

中國方志叢書·華中地方·第九二號

據

聶憲藩等修（民國）
黃佩蘭等纂（民國）

影印

民國十三年刊本


安徽省

渦陽風土記

(一)

成文出版社有限公司印行

69/81175



10094182

涸陽晨
土配

甲子首夏
青筠猷華署

之述作已昔漢丞相張禹使潁川朱贛條天下風俗班氏
因之作地理志於民風剛柔強弱三致意焉蓋風俗者地
方治亂所從出也渦陽居長淮腰膂氣脈雄厚其人民軀
偉膽壯喜爲剽輕有司者憚於撫馭之術激使走險故任
張奮臂一呼而羣盜響應今夫人負殊勇家有白刃以之
作亂則爲任柱張樂行而人蒙其毒反其轍而行則爲馬
忠武爲田治臣從軍敵愾而國家賴其功之數人者同產
於渦所秉山川雄傑之氣一也終乃懸絕若是豈非風俗
移易之貴得其道哉然則捨亂一役匪特設縣緣起抑又
清代之廢興繫焉觀其所哀錄亦當世得失之林也何必

將五十載滎陽一縣人文蔚起顧獨未有志共和行政之
八年憲藩奉命長皖既下車聞滎陽縣令黃君自芳治行
稱最當是時黃君宰滎已數稔政通人和百廢具舉乃以
其暇搜求文獻大會邑之士紳謀創修縣志鳩貲設局經
始于八年二月越明年秋稿就分析門類爲十有四全書
爲卷十有六體例一本實齋章氏之說繁簡則折衷於吳
郡武功二志之間其攷訂精審如雉水爲雉龍山爲勇實
能糾正古籍訛誤昭若發矇至於紀人物紀事蹟又本古
人常事不書大事詳書之義如馬忠武田治臣等傳及捻
亂起滅莫不備稽其始終本末而悉著之不可謂非斐然

之述作已昔漢丞相張禹使潁川朱贛條天下風俗班氏
因之作地理志於民風剛柔強弱三致意焉蓋風俗者地
方治亂所從出也渦陽居長淮腰膂氣脈雄厚其人民軀
偉膽壯喜爲剽輕有司者憚於撫馭之術激使走險故任
張奮臂一呼而羣盜響應今夫人負殊勇家有白刃以之
作亂則爲任柱張樂行而人蒙其毒反其轍而行則爲馬
忠武爲田治臣從軍敵愾而國家賴其功之數人者同產
於渦所秉山川雄傑之氣一也終乃懸絕若是豈非風俗
移易之貴得其道哉然則捻亂一役匪特設縣緣起抑又
清代之廢興繫焉觀其所哀錄亦當世得失之林也何必

舊聞志既脫稿而黃君調任他邑錄副以去未幾余內調
領步軍黃君亦辭官重列議席邂逅於京師問渦志已未
錄板黃君爲言年來轉徙靡常因攜稿來京就正有道輒
加修改茲已定稿正付剞劂又以修志時余適長皖與聞
其事請爲一言弁諸簡首余維近日國事搶攘決自行
省以至偏陬下邑典章文物掃地隳壞黃君在渦陽乃創
修縣志獨爲於舉世不爲之際雖功令之所不督而必黽
勉以圖之已賢於俗吏萬萬况渦陽一縣爲捻亂所根柢
其遺聞軼事皆當與史乘相爲表裏而風氣剛勁殊於他
方表而出之尤足令異日官斯地者將益知所旌異而不

迷於施治之方余幸覩厥成乃歎黃君勤勤纂述上則裨
補國聞下更大有造於渦土也於是乎書
民國十三年歲次甲子孟秋合肥聶憲藩序

郭氏原二二二

三

敘

清同治三年江淮亂平大吏以蒙西之雉河集距縣僻遠
奏請割蒙亳阜宿之地設渦陽縣治今已五十餘年矣歲
月不居君民易主文獻無徵識者病之余於民國六年捧
檄宰渦與渦人士馬其驥馬樸仙劉靜章王馨亭等議志
事綢繆者數閱月延南陽王敬民爲總纂方城李東峯楊
州馮子喬邑人馬樸仙王信能王瑞棠諸君爲分纂測量
學生尋克容等任繪事又與南陽張忠夫先生函商體例
忠夫之言曰古志多詳於類書畧於政書今者新政叢繁
亡徵迭見亟宜覃研以圖補救桂陽湘潭深州各志及章

氏遺書可師也八年春二月設局泰山廟訪古鈎沈分類
掇拾九年秋甫有崇緒適忠夫以赴滬之便迎其來渦居
數月手不停披且與二三儔侶泛渦肥陟龍嵒石弓諸山
剔蘚尋碑量泉淪茗於疆域沿革古蹟多所增潤十年春
三月余奉調五河倉卒瓜代乃攜副本而去未幾余又調
潁上水災籌賑日不暇給渦人士雖屢敦促未敢鹵莽十
一年夏國會恢復余重列議席出志稿質之固始秦先生
宥橫先生於治清史之暇悉心鑑定如雉水爲雉龍山爲
勇頗抒新解又得步軍統領前安徽省長聶公偉丞提倡
補助乃於十二年冬在豫付梓十三年夏歲事統計吾志

之成歷年有七爲志十有四爲卷十有五需款萬餘爲邑紳劉吉甫等及各堡捐助離澗後遂爲剗剔之費則解囊任之三宿之戀也烏乎轉蓬落葉豈窮水陸之程寒水增冰乃洞陰陽之理伊古以來創業者難爲功守文者易爲力獨著述也哉後之君子有彌綸漏闕針余膏肓而起余廢疾者乎馨香祝之而已

中華民國十三年歲次甲子夏正四月中旬葉縣黃佩蘭撰

The image shows a large rectangular frame containing a grid of vertical lines, resembling a ledger or a table with many columns. The grid is mostly empty, with some faint markings on the right side. The lines are evenly spaced and extend across the width of the frame. On the right edge, there are some small, dark, vertical markings that appear to be part of the original document's structure or a scanning artifact.

渦陽風土記序

中華紀元十三年秋黃君自芳著渦陽風土記告成溯創始之日今已七歷寒暑矣初黃君與余同爲國會議員交最摯六年國會停職黃君出宰渦邑余亦奉令長皖財政渦爲余鄉邦地瘠民貧且北連豫永遙接蘇之豐沛蕭碭盜賊出沒擾害閭閻吏斯土者捕盜不暇遑論其他故設縣雖久而政教鮮著黃君蒞渦之初會約以聽政餘暇留心文獻翌年春正月會於蚌埠黃君曰渦匪已清方從事於溝渠道路森林學校諸要政渦志雖有發起之議以經費無着議而輒止余聞之歎美者再乃慨允助資爲先倡

而渦志從此開始纂修越三年政成化洽甫脫稿黃君去
渦任頴旋來京再列議席得間重事校訂蒐輯補正又三
年而書成余慨然曰黃君於去渦後又盡力於邑乘卒底
於成於渦可無憾矣猶憶設縣之初築城未果而匪復熾
費絀幾輟工有知縣薛元啟者踵其事以完成之今崇墉
圮立薛君之功也黃君於五十年後創修渦志與薛公之
築城同爲百年不朽之業薛君豫人黃君亦豫人後先輝
映何豫人之多賢也昔姚惜抱先生嘗慨天下地志謬誤
謂每邑設有篤學好古者各考紀其地上之實據以參較
則天下地志不患不善渦素少博學故有志未逮今黃君

發憤載筆俾吾渦風謠物產地理人文之概一一託諸簡
編其歷時既久考訂斯精於以見地志之善固不僅地方
士紳之著述也是爲序中華民國十三年秋九月邑人劉
鴻慶序於京師

涇陽風土記目次

卷首

敘

題名

目錄

卷一

圖

全境總圖

四縣分撥分圖

縣城全圖

卷二

疆域

沿革
交通

暑度
道路

境界
形勝

村堡表

圩寨表

卷三